

Dirección General de Educación Básica Regular
Dirección de Educación Inicial
Dirección General de Educación Básica Regular
Dirección de Educación Inicial

Awila Mikayla

Willakuy 10

Quechua Huánuco



MINISTERIO DE EDUCACIÓN



Justinapa awilan hutinmi Mikayla.
Awilampa aqtsan yuraqmi killanu
qaranqa mana murusha allpa kulurnuumi,
ñawinqa quyllurnuumi chipikyan
shumaqmi qaqlan awilampa
qaqlanchu naanin chaynuu rawashan kan.

Payqa hiiluta ruran putskawan,
awan chiqllanchu tilarwan.
Pay takikun, shumaqkunata willan,
animalkunapita, qaqakunapita, quchakunapita.



Awilan Mikayla, chakwanam kan,
pishipashanam kan.

Huk hunaq, yana pukutay achka tamyawan,
huk puna llapa alalaptin, awila Mikayla
wichqan ñawinta, wañukun.

Awila Mikayla manam takikunqatsu.
Awila Mikayla manam awanqatsu.
Awila Micaela manan parlanqatsu.



Justina shunqunchu hatun rumi kaqnu.
Llakikuyninmi allapa hatun.
Justina llakikun, waqakun.



Quyakuna purin, Nuvimbre killa chaamunqanam.
Mamanin nin fista shamunqanam
Awilan Mikayla shamunqa karupita,
paykunawan mikuyanampa.
Justina kushikun,
mamaninta yanapan shumaq tantakuna rurayta,
Tanta wawakunata.

Mikuyanampa churayan waytakunata,
hara apita, shura aswata, patachita, piqan calduta.
Awilampa shumaq wawa tanta akran.



Manara paqats shamuptin apan tantakunata padrinkunapa,
paykuna qarayan mishkikunata.

Manara paqats shamuptin, washkikunawan pukllan,
mitsyaq pukllan wamrakunawan.



Justina niran nuqa rikchasha awilata shuyasha,
paywan rimanapa.

Pay shamuptin tapusha alliku wasin kanan
kawikanqa.

Rimapasha ichik yuraq ushapa, imanu wiñaykan.
Willayanqa muñikampa, aqtsampa pilltanta,
shumaq llullinmanta, chakimpaq llanqinmanta.



Justina shuyaran hamakusha paqas
chaamunanta, awilantapis shuyaran.
Pishipasha puñuskin.

Illariptin rikchan, mikunakuna kantsu,
ushakasha, awilanta manam rikashachu.



Inti yarqushanam, arpata
wiyyan, violinta wiyyan,
pinkulluta wiyyan.

Llapan aywayayanqa
wañushankunata rikayanampa,
tanta wawan, ofrindakunawan.

Justinapa shiminchuu takikuna kaykan, willakuykuna kaykan.
Piqanchuu, shunqunchuu shumaj yarpakuna kaykan.
Justina musyan, puñuykaptin awilan shamusha.





Llapan pantiyunpa aywayan, tushuykar, takikuykar.
Paykunawan Justina aywan, shunqun llasanchu.
Pay musyan, manam wañuqkunapa waqayanchu,
kawaywan kushikuymi kan.

